

四庫全書

史部

欽定四庫全書

史部

欽定續通志卷一百八十

通政司副使臣施朝幹覆勘

總校官原任侍講臣王燕緒

欽定四庫全書

欽定續通志卷一百八十

昆蟲草木畧

禽類

鸞瑞鳥一名雞趣見師曠禽經張華注云鳳鳥之亞始
生類鳳久則五彩變易故字從變省禮斗儀曰天下太
平安寧則見其音如鈴鑾鑾然也周之文物大備法車
之上綴以大鈴如鸞之聲也後改為鑾

鷩雛鳳屬山海經曰南禺之山有鳳凰鷩雛

鷩鷩

一作焦明

鳳屬南方神鳥五彩備司馬相如上林賦拂

翳鳥捎鳳皇捷鷩雛掩鷩鷩

桐花鳥一名么鳳劔南彭蜀間有之大如指五色畢具

有冠似鳳春暮集桐花極馴善

時樂鳥鳴云太平天下有道則見驗其圖丹首紅臆朱

冠綠翼鶯領文背糝則五色見南海異物志

鵬大鳥也莊子云北溟有魚其名為鯢化而為鳥其名

為鵬

臣等謹案說文鵬即古鳳字鳳飛羣鳥從以萬數故以為朋黨字經未有別言鵬者言鵬自南華始集韻謂大鵬鵠屬考玉篇但稱鵠似雞而大則迥非鵬之可比也

鶴一名仙禽一名胎禽鶴字篆文象翹首短尾之形一云白色唯唯故名性善警其狀大如鶩長三尺腳青黑高三尺餘赤頂赤目喙長四寸餘多純白蒼色者謂之

赤頰常夜半鳴淮南子云雞知將旦鶴知夜半其鳴高

亮聞八九里雌者聲差下

明李時珍曰雄鳴上風雌鳴下風聲交而孕亦啖蛇虺聞

降真香烟則降其糞能化石皆物類相感也

崔豹古今注鶴千載則變蒼又

千載則變黑禽經云鶴以聲交而孕埤雅云雌雄相隨如道士步斗履其跡而孕又名露禽禽經注云露下則鶴鳴也鶴之馴養於家庭者飲露則飛去

臣等謹案墨客揮犀云劉淵材好怪嘗蓄兩鶴客至誇曰此仙禽也凡禽卵生此禽胎生語未畢園

丁報鶴夜生一卵淵材呵之未幾鶴復誕一卵淵材嘆曰吾乃為劉禹錫嘉話所誤據此鶴實卵生考浮邱伯相鶴經所云千六百年胎化而產為仙人騏驎則惟千餘歲之鶴乃胎化耳

鸛一名負釜一名黑尻一名背竈一名皂裙詩鸛鳴于垤天將雨蟻封土為垤鸛鳴其上則雨將至也形似鵠而大長頸赤喙白身黑尾翅樹上作巢大如車輪卵如三升杯張華博物志云鸛俯鳴則陰仰鳴則晴伏卵時

取礬石繞卵以助燥氣故方術家以鸛巢中礬石為真物酉陽雜俎云鸛影抱言抱卵以影也或云以聲聒之陶弘景云鸛有二種似鵠巢樹者為白鸛黑色曲頸者為烏鸛鸛亦多在殿閣鴟尾及人家屋作窠禽經云鸛生三子一為鸛異極成震陰變為陽震為鸛異為鸛

臣等謹案詩疏鸛泥其巢傍為池含水滿之取魚置池中以食其雛若殺其子則一村致旱宋寇宗奭云鸛在樓殿吻上作窠並無作池養魚之說明

李時珍云寥廓之大陰陽升降區區微鳥豈能使
天壤亦旱况鸛乃水鳥可以候雨乎如此則取鸛
子致旱之說亦未可信

陽鳥出建州似鸛而小身黑頸長而白

禿鶩一名扶老一名鶩鵠出南方有大湖泊處狀如鸛
而大青蒼色張翼廣五六尺舉頭高六七尺長頸赤目
頭項皆無毛其項皮方二寸許紅色如鸛項其喙深黃
色而扁直長尺餘其喙下亦有胡袋如鵠鵠狀其足爪

如雞黑色性極貪惡能與人鬪好啗魚蛇及鳥鵲禽經

云扶老強力古今注云扶老禿鷲也

明李時珍曰凡鳥至秋毛脫禿此鳥

頭禿如秋毳又如老人頭童及

扶杖之狀故名說文作禿鳩

脯羞食之益人氣力走

及奔馬也

鷲一名越王鳥一名鶴頂一名鷲鵬出九真交趾大

如孔雀喙長尺餘黃白黑色光瑩如漆南人以為飲器

竺法真登羅山疏云越王鳥不踐地不飲江湖不啖百

草不食魚惟啖木葉糞似薰陸香南人得之以為香可

入藥

鵠鵠越鳥見玉篇

鵠鵠毛備五色見廣韻

鴈陽鳥也禽經曰鴈以水言自北而南鴈以山言自南而北注鴈音鴈隨陽鳥也冬適南方集於江干之上故字從干鴈亦音鴈中春寒盡鴈始北嚮燕代尚寒猶集於山陸岸谷之間故字從斤方言云鴈自關而東謂之鴈音加鴈南楚之外謂之鴈或謂之鴈鴈爾雅云鳬鴈醜

其足蹠其踵企脚指間有幕蹠屬相著故曰其足蹠飛則脚跟企直故曰其踵企古今注鴈嘗啣蘆數寸以防繒繳鴈從風而飛以愛氣力見淮南子鴈行斜步側身霜降南翔冰泮北徂其性惡熱故中國始寒而北至見埤雅

鴻鴈類亦陽鳥也羽毛光澤純白似鶴而大長頸肉美如鴈又有小鴻如鳬色亦白今人直謂鴻也博物志云鴻鵠千歲皆胎產鴻鴈大畧相類以季秋而來賓一同

也鳴如家鷺二同也進有漸而飛有序三同也鴈色蒼而鵠色白一異也鴈多羣而鵠寡侶二異也鴈飛不過高山而鵠薄雲表三異也毛有粗細形有大小

鸛鵠鴈屬羅願爾雅翼云似鴈而長頸綠色皮可為裘霜時乃來就煖故禽經云鸛飛則霜鵠飛則雨鵠即商羊也又西方之鳳亦名鸛鵠

鵠一名天鷺大於鴈羽毛白澤其翔極高而善步禽經云鵠鳴咭咭故謂之鵠莊子云鵠不日浴而白按淮南

子覽冥訓鴻鵠鵠莫不驚憚伏窠左思吳都賦鳥則
鵠鵠鵠鵠皆分鵠鵠為二羅氏謂鵠即鵠殊不然

鵠

一作鵠

善高飛似鴈目相眦而孕吐而生子其毛蒼白

春秋書六鵠退飛過宋都即此

鵠一名獨豹似鴈而虎文連蹄性不樹止樹止則為苦
其飛也肅肅其食也齧郭璞曰鵠無後趾毛有豹文鵠
性羣居有行列故從犴犴相次也閩語曰鵠無舌兔無
脾禮記不食鵠與與脆

音胘

脾

音鵠

也深與之處也

鴛鴦鳬類一名黃鴨一名匹鳥南方湖溪中有之棲於
土穴中大如小鴨其質杏黃色有文彩紅頭翠鬣黑翅
黑尾紅掌頭有白長毛垂之至尾交頸而感詩鴛鴦在
梁戢其左翼張載注云鳥並棲一正一倒戢左翼以依
於內舒右翼以防患於外左不用而右便故也函史云
浮游雄左雌右宿雄翼右掩左雌翼左掩右埤雅云雄
鳴曰鴛雌鳴曰鴛禽經注云朝奇暮偶

溪鷺一名溪鴨一名紫鴛鴦埤雅云溪鷺五色尾有毛

如船舵小於鴨性食短狐在山澤中無復毒氣蓋溪中之救邪逐害者故名說文作谿鴟其遊於溪左雄右雌似有式度者

鸛鵒似鵒鵒山溪有水毒處即有之三輔黃圖曰似鴨而大長頸赤目紫紺色司馬相如賦鵒鵒鵒鵒

鵒鵒

音精春

一名青翰一名青莊出蕞澤似鶯而青蒼色

鶯

古歷反

一名鶯鶯

玉篇作唐屠

見爾雅郭璞云似烏蒼白色

三才藻異以為即阿湓堆驪山鳥也酉陽雜俎云鶯色

黃一變為青鵠帶灰色鵠之後及至屢變橫理轉細臆
前微微漸白又曰白唐唐黑色也一變為白鵠

鵠鵠比翼鳥見爾雅郭璞云似鳬青赤色一目一翼相
得乃飛山海經亦謂之鸛鸛

鵠音徒鳥鼠同穴之鳥也見爾雅郭璞云似鵠而小黃黑

色穴入地三四尺鼠在內鳥在外今在隴西首陽縣鳥
鼠同穴山中

鵠鵠一名鵠鵠鳥今之鵠鵠也似斑鳩差小頸有白點

斑聲若布穀爾雅云鳩舖枝郭注未詳通雅曰即鶉鳩俗呼鶉姑子

臣等謹案驚以下四鳥鄭志未載今補

雞知時畜也一名時夜一名燭夜劉向云雞者小畜主

司時起居人揚雄方言曰雞陳楚宋衛之間謂之鷩鷩

音避祇

桂林之中謂之割雞或曰鷩音從北燕朝鮮冽水之

間謂伏雞曰抱

房奧反

江東呼鷩

央富反

爵子及雞雛皆謂

之鷩

恪遶反關西曰鷩音顧

其卵伏而未孚始化謂之涅爾雅云

雞大者名蜀郭云今蜀雞爾雅又云蜀子雛音餘未成雞

健音練三尺為鷄郭注云陽溝巨鷄古之名雞理雅云雞

有蜀魯荆越諸種越雞小蜀雞大魯雞又其大者莊子曰越雞不能伏鵠卵魯雞固能矣

竹雞一名山茵子一名雞頭鵠一名泥滑滑李時珍曰茵子言味

美如茵也蜀人呼為雞頭鵠南人呼為泥滑滑因其聲也生江南川廣有之多居竹

林形比鷓鴣差小褐色多斑赤文善啼見其儔必鬪捕者以媒誘其鬪因而網之又性好食蟻諺曰家有竹雞

啼白蟻化為泥

杉雞出閩越常居杉樹下頭有長黃毛冠頰正青色如垂縷見臨海異物志

鷓鴣一名越雞飛必南翥晉安曰懷南江左曰逐影見禽經生江南形似母雞鳴云鈎轉格磔者是自呼其名畏霜露早晚稀出夜飛則以樹葉覆其背

鵠一名鶡鵠一名飛奴鵠類性喜合其頸若癭其色有二十餘種兩兩相匹伏必二卵釋法顯佛國記名波羅

越

青鵪

音佳

一名黃褐侯狀如鳩綠褐色聲如小兒吹竽

伯勞一名伯鷁一名博勞一名伯趙一名鷁一名鵪形
似鵪鵪鵪鵪喙黃伯勞喙黑月令侯時之鳥左傳云伯
趙氏司至以夏至鳴冬至止故以名主二至之官淮南
子云伯勞之血塗金人不取

臣等謹案爾雅鷁伯勞也漢書以鷁為子規方言
謂鷁為鷁鷁李肇國史補謂鷁為布穀者皆非鄭

志梟或說即今伯勞夫梟乃惡鳥豈可以指伯勞

其說亦誤

鸛鵒一名鵒鵒一名唼唼鳥一名八哥一名寒梟

李時珍曰

此鳥好浴水其睛瞿瞿然故名唼唼其聲也天寒欲雲則羣飛如告故曰寒梟梟者告也似鷦而

有鵒色純黑金眼穴居周禮云鵒鵒不踰濟春秋書鵒鵒

來巢即此淮南萬畢術云寒梟斷舌使語禽經云鵒鵒

剪其舌而語是也酉陽雜俎又云可使取火

臣等謹案鵒鵒非鵒類鄭志以為鵒鵒者非

雀一名瓦雀一名賓雀短尾小鳥也嘴頰皆黑身褐色爪趾黃白埤雅曰雀好內反禽經云雀交不一雉交不再又曰雀以獮瞿

蒿雀似雀青黑色在蒿間塞外多有

石燕一名土燕乳於巖穴見郭義恭廣記

鵓鵒

詩作盍旦
禮記曷旦

一名獨春一名寒號蟲夜鳴求旦之鳥

也鳴聲似春形似雞五色冬無毛赤裸晝夜鳴故曰寒號方言曰自關而西謂之鵓鵒自關而東謂之城旦謂

之倒懸周魏齊宋楚之間謂之獨春月令仲冬之月鷦鷯不鳴淮南子時則訓作鴝鷯又禽經云鷦鷯不知死注云鷦鷯鳥也

百舌一名反舌一名鷽鷽

音轄軌李時珍曰按易通云能反覆如百鳥之音故名鷽鷽

鷽亦象聲也

狀如鷽鷽而小蒼毛尖喙好食蚯蚓居樹孔窟

穴中立春後則鳴夏至後則無聲十月後則藏蟄月令仲夏反舌無聲即此

畫眉似鶯而小黃黑色其眉如畫巧作千聲如百舌

白頭翁形似鵲鳩其飛似燕之頡頏頭上有白毛身蒼色

報春鳥如鸚鵡色蒼每至正二月作聲云春起也至三四月云春去也故名又名喚春鳥見顧渚山茶記

惜春鳥大不踰燕其聲曰莫摘花果人謂之護山鳥見海錄碎事

鶯似百舌喙長善食魚見類篇

練鵲一名帶鳥一名拖白練似山鵲而小頭上披一帶

尾長色白雌者短尾雄者長尾禽經曰冠鳥性勇纓鳥性樂帶鳥性仁張華云帶鳥練鵲之類是也

慈鳥一名慈鴉一名孝鳥一名寒鴉鳥字篆文象形鴉亦作鴝禽經云鴝鳴啞啞故謂之鴝色純黑小喙初生母哺六十日長則反哺六十日廣雅云純黑而反哺者謂之烏小而腹下白不反哺者謂之雅烏白項而羣飛者謂之燕烏燕烏白脰烏也雅烏鶩也禽經云慈烏反哺白脰烏不祥巨喙烏善警哀烏吟夜

鵲一名飛駮鳥一名喜鵲一名乾鵲

李時珍曰鵲古文作鳥象形鵲鳴喈

皆故謂之鵲鵲色駮雜故謂之駮靈能報喜故謂之喜性最惡濕故謂之乾

大如鴉而長尾

尖喙黑爪綠背白腹尾翮黑白駮雜上下飛鳴以音感

而孕以視而抱季冬始巢開戶背太歲向太乙知來歲

風多巢必卑下故曰乾鵲知來徃徃知徃爾雅云鵲鵲

醜其飛也鵲

音宗

言其不能翺翔竦翅而已許氏說文以

為鵲斂足也爾雅又云鳥鵲醜其掌縮飛縮脚腹下也

臣等謹案禽經云雞鶩惡其類又云靈鵲兆喜明

是二物且鶯丹鶯鵲黑鶯鄭志以鶯為鵲者誤

鸚鵡一名鸚鵡一名鸚哥一名乾臯

李時珍曰按字說云鸚鵡如嬰兒之

學母語故字從鸚母熊太古云大者為鸚鵡小者為鸚哥則鸚義取乎此師曠謂之乾臯李昉呼為隴客有

數種綠者出隴蜀而滇海交廣近海諸地益多大如烏

鵲數百羣飛紅者紫赤色大亦如之白者出西洋南番

大如母雞五色者出海外諸國性慧利丹味鈎吻長尾

赤足金睛深目上下瞼皆能眨動似人目舌如嬰兒其

趾前後各二異於衆鳥梵書謂之鵝陀

秦吉了一名了哥唐書作結遼鳥番音也出嶺南容管
廣邕諸州峒中桂海虞衡志云似鸚鵡紺色丹紫黃距
目下連項有深黃文項毛有縫如人分髮能人言比鸚
鵡尤慧鸚聲如兒女吉了聲如丈夫

烏鳳出桂海左右兩江峒中大如喜鵲紺碧色項毛似
雄雞鬚頭有冠尾垂二弱骨長一尺四五寸至秋始有
毛羽其形畧似鳳鳴聲清越如笙簫能度曲妙合宮商
又能為百鳥之音見虞衡志

孔雀一名越鳥文禽也出廣益諸州大如鴈高三四尺
不減於鶴自背至尾有圓文五色金翠相繞如錢頭戴
三毛長寸以為冠足有距迎晨則鳴相和其聲曰都護
禽經云孔雀見蛇則宛而躍博物志云孔雀不匹偶但
以音影相接而有孕亦與蛇偶又云因雷聲而孕又云
雄鳴上風雌鳴下風而孕梵書謂之摩由邏

鷹一名角鷹一名鷩鳩

李時珍曰鷹以膺擊故謂之鷹其項有毛角故曰角鷹其性爽

猛故曰鷩鳩或鷹與鳩同氣禪化故得稱為鳩也

鷩殺之鳥也金眼鉤嘴鐵爪

劒翮善撓搏爾雅云鷹隼醜其飛也翬鼓翅翬翬然疾

也埤雅云一歲曰黃鷹二歲曰鵟鷹

鷹色蒼黃謂之鵟

三歲曰

鵟鷹鷹類甚衆惟角鵟黃者以鷹名鵟鷹角鷹食麋鹿諸獸黃鷹食水鷺雉雞之屬各隨其力以相吞啖梵書謂之嘶那夜

鵟一名鷺一名鷩

音團

似鷹而大尾長翅短土黃色其飛

上薄雲漢其六翮乘風輕勁鷺悍多力皂鵟即鷺也鵟出遼東鷺出西南夷黃頭赤目五色皆備其翮可用為

箭梵書謂之揭羅閣

鶚一名魚鷹一名鵠雞鵠類也似鷹而土黃色深目好峙雌雄相得驚而有別交則雙翔別則異處禽經云鶚鳥之善搏者曰鶚

鳶鵂也見禽經注

此別一鵂禽經所謂鵂以貪顧是也非爾雅梟鵂之鵂

爾雅鳶

鳥醜其飛也翔布翅翺翔也禽經云鳶不擊而貪注云不善搏擊貪於攫肉禽經又云風翔則風注云風禽鳶類飛翔則天大風

鵲有二種一玉爪一黑爪又有鴉鵲金眼鴉鵲兔鵲之別埤雅云鵲拳堅處大如彈丸俯擊鳩鵲食之鳩鵲中其拳墜空中即側身自下承之捷於鷹隼

隼鷲擊之鳥也詩疏云鷲屬齊人謂之擊征或謂之題肩或謂之雀鷲春化為布穀方言曰齊魯間謂題肩為

鷲鳥

鷲一作征

月令季冬征鳥鷹疾

臣等謹按禽經云鷲以膺之鷲以捐之隼以尹之鷲以周之言其搏擊之異則是各為類而未有分

晰伏讀

御製七十二候詩案語云禽經於鷹鷂鷂之屬名類
糾紛強為牽附且以小而鷙者為隼大而鷙者為鳩
殊失實矣爾雅翼又云在北曰鷹在南曰鷂尤支離
無據試以鷹鷂各種言之鷹則用以取雉者也鷂小
於鷹止能捕鵲鷂較鷹為大善捕兔鷂又有一種
捕野鴨者謂之鴨鷂惟鷂之大數倍於鷹鷂故鷹與
鷂皆可攫而致之隼則今無其名然曰小而鷙則於

海東青為近其飛最高故能擒天鵝第產於黑龍江
故注禽經者未之知耳仰見

聖製正名辨物格致精詳謹識於此

金鳥色純白口與足如金其鳴自呼見廣州記

吉祥鳥出五臺山形翅甚大其飛也有四黃鳥藻之四
鵲從之見山堂肆考

半部樂形如黃雀數十為羣音中宮商有如鼓瑟見事
物紺珠

珊瑚鳥大於畫眉好鬬出嶺南巧聲之鳥也見山堂肆考

竹林鳥出同州色正青如雀善啼見紫桃軒雜綴

杜詩
竹林

為我啼青
畫句本此

駝鳥一名駝蹄雞一名食火雞生西戎形高七尺張翅丈餘其卵如甕食銅鐵後魏書云波斯國有鳥形如駝能飛不高食草與肉亦噉火日行七百里

鳩一名鴝一名同力鳥生南海有毒食之殺人爾雅翼

云似鷹而大狀如鵝紫黑色赤喙黑目頸長七八寸雄名運曰鳩名陰諧食蛇及橡實

治鳥越中大鳥也越地深山有之其大如鳩青色穿樹作巢大如五六升器口徑數寸飾以土堊赤白相間狀如射候伐木者見此樹即避之犯之則能役虎害人燒人廬舍時或作人形長三尺入澗中取蟹就人間火炙食山人謂之越祝之祖見于寶搜神記

姑獲鳥一名乳母鳥一名鬼鳥一名憶謠一名隱飛一

名夜行遊女一名鈎星能收人魂魄衣毛為飛鳥脫毛為女人云是產婦所化故胸有兩乳周禮庭氏以救日之弓救月之矢射天鳥即此

商羊

一作鵲鵝

一名山蕭一名獨足鳥閩廣有之大如鵲文

身赤口畫伏夜飛其色蒼其聲自呼如人嘯將雨則飛鳴即孔子所謂一足之鳥商羊是也

木客鳥大如雀數千百頭為羣飛集有度不與眾鳥相廁見廣陵異物志

獸類

麒麟獸也說文云麇身牛尾一角張揖云牡曰麒牝曰

麟

麇

音生似鹿廣韻云大如兔

麇一名荒鄴縣宣君山出麇尾埤雅云似鹿而大其尾
辟麇說文麇屬

臣等謹案麇之為獸前人多未詳或以為麇屬或
以為似鹿古來博物家亦僅拘守成編沿襲故見

而已蓋南人目未見麋惟據紙上陳言互相傳會
北方之人又習而莫察無怪乎以訛傳訛遂至誤
認麋為麋與鹿者紛紛矣伏讀

御製麋角解說始知冬至解角者非麋并知俗名長尾
鹿為麋自此物類有分稱名不混淆足辨謬證訛
永垂格致之經而解千古之惑也

臣等又案以上三種鄭志未載備錄以補麋屬之

缺

獬豸神羊也

廣雅作
獬豸

一名任法獸神異經東北荒中有

獸如羊一角毛青四足似熊見人鬪則觸不直聞人論

則咋不正又說文獬豸似山牛一角論衡云𧈧

同解
𧈧同
豸

者一角之羊也

騶虞義獸也即白虎黑文尾長於身不食生物不履生

草應信而至者也

白澤能言語出東望山有德明照幽遠則至見山海經

角端鹿形馬尾綠色獨角角在鼻上日行萬八千里聖

主明達方外幽遠之事則奉書至見宋書

虎一名烏彪

音徒左傳作於菟漢書作烏釋

一名大蟲又名李耳狀如

貓而大如牛黃質黑章鋸牙鉤爪鬚健而尖舌大如掌
生倒刺項短鼻艷夜視一目放光一目看物聲吼如雷
風從而生百獸震恐易通卦驗云立秋虎始嘯仲冬虎
始交又云虎不再交孕七月而生

臣等謹案虎之為獸鄭志未詳今補

象之為獸形體特詭身倍數牛目不逾豕鼻為口役望

頭若尾馴良承教聽言則跪素牙至潔載籍所美服重
致遠行如丘徙有灰白二色出交廣雲南及西域諸國
鼻大如臂下垂至地鼻端甚深可以開合中有小肉爪
能拾針芥食物飲水皆以鼻春秋運斗樞云瑤光星散
而為象又援神契神靈滋液百寶為用則白象至又說
文云象南越之大獸三歲一乳

豹似虎而小長脊白面毛赤黃文黑如錢惟尾最貴其
性勾物而取程度而食故又名曰程列子云青寧生程

是也又有金錢金線艾葉之分惟艾葉尤貴

貔白狐其子穀見爾雅郭璞云一名執夷虎豹之屬陸

璣云似虎或曰似熊

獬

音桓亦作獬

豪豬也自為牝牡說文豕之逸也逸周書周

祝解云獬有爪而不敢以獬

野豬一名獬

音鄰

生山中似豕而大毛黃而疎皮堅而厚

好踐食豆稼大者重二百斤能以頭觸人色褐而肉赤

三歲膽中有黃

猯前足短能知食所在狼後足短負之而行故曰狼猯
酉陽雜俎曰狼猯是兩物猯前足絕短附狼而行失狼
則猯不能動

狢

音求

狢

音余

似魚蛇尾豕目見人則佯死

犴

后

北方獸似犬食人見集韻

狨

戎

似猴而大毛黃赤色生廣南山谷間皮可作鞍褥

埤雅輕捷善緣木大小類猿甚愛其尾

獼

嬰

似獼猴而大色蒼黑能攫持人好顧盼爾雅云獼

父善顧

獨似援而大其性獨一鳴即止故諺云獨一鳴而援散

食援

獬狃

說文作
獬狃

蝮蝮之屬黑身白腰手有長毛蜀地志云

似猴而甚捷在樹上歛然騰躍若飛鳥也

猯

風

母狀似猿王篇猯狃獸名小打即死因風更生

狙獼屬或曰猿屬性狡黠伺物必伏而候之莊子云伐

巧恃便亦謂狙之黠也

果然猿屬頗有髯髯黑性好理髯又愛其類取一果然數十果然可得

臣等謹案狻以下七種皆猿狒類鄭志未詳載今補入以備參考

驢長頰廣額磔耳修尾夜鳴應更性能旋磨及馱負一曰漢驪其子曰驪低小不甚駿故稱蹇驢一名為衛有褐黑白三色又有海驢出海島中入水不濡其皮可製雨衣又滑國出野驢一角見南史

羸視馬畧小視驢則大其形甚健其力在腰取以駕車耐遠行而不困股有鎖骨不能開故不孳乳五雜組羸不見於三代至漢時始有之其類有五為羸為跌決騃

提為駝它駝陌為駝謫駝蒙為駝巨驢虛俗則通以騃

呼之又爾雅翼蜀中縣有牛交馬而生者故川廣皆產羸生於廣者蹄輕生於蜀者蹄重

橐駝一名駱駝因其負囊橐而駝物故名狀似馬頭似羊長項垂耳脚有三節背有兩峰有蒼褐黃紫數色其

聲圖

碣

其食齧

癡

性耐寒惡熱故夏至退毛至盡能知

水脈過其處輒停不行其卧而腹不著地者曰明駝最能遠行又於闐有風脚駝日行千里吐蕃有獨峰駝大月氏有一封駝俗呼封牛亦曰牯牛穆天子傳謂之物牛爾雅謂之犛牛又兩脚駝出滑國見南史山海經陽光之山其獸多橐駝

獬

音陌

似熊頭小庠脚黑白駁能舐食銅鐵及竹骨骨節

強直中實少髓皮辟濕其齒骨極堅故又名嚙鐵埤雅

獬獸象鼻犀目獅首豺髮其皮辟濕以為坐毯則消膜

外之氣

獬一作獬

臣等謹案蘇頌曰爾雅有白豹即獬也是以豹與

獬為一種矣然郭璞曰獬能食銅鐵說文云獬似

熊黃白色南中志云獬大似驢狀似熊蒼白色多

力舐鐵消千斤以及嚙鐵豸昆吾兔名雖不一並

獬類也即爾雅注亦云豹白色別名獬疏云獬一

名白豹由此觀之蓋豹亦有獬之名獬亦有豹之

稱若竟混為一種非也

靈貓又曰香狸生南海山谷狀似狸自為牝牡其氣如麝劉郁西域記云香狸文似土豹其肉可食糞溺皆香似麝楊慎丹鉛錄大理府有香貓其文如金錢豹楚辭乘赤豹兮載文狸王逸註為神狸蓋即此也

貓捕鼠小獸處處畜之有黃黑白駸數色狸身虎面柔毛利齒以尾長腰短目如金銀者為良性畏寒其鼻端常冷惟夏至一日則煖一名烏圓或云一名蒙貴清異

錄武宗十玩圖謂貓為鼠將又有競貓見爾雅蓋詩經所謂有貓有虎之貓又一類也

臣等謹案爾雅云蒙頔猯狀注即蒙貴也狀如雌而小紫黑色可畜健捕鼠勝於貓又攷廣東通志獾獾有黑白黃狸狀類貓而大常貓見而避之蓋蒙貴別是一種謂蒙貴即貓者非

獾形似家狗色黃而微黑尾短山陝遼東謂之狗獾吳越皆呼刁黃善為曲穴而避藏防人害也

李時珍曰獾又作獾亦狀

肥鈍之貌蜀人呼為天狗

本草綱目貓褚獾也獾狗獾也二種相似

而畧殊

獼似小狗足短頭與身尾俱褊毛色若故紫帛大者長三尺餘食魚居水中亦休木上江湖多有之其大者曰

獼

賓

曰獼

編

此水獼也又有山獼出廣之宜州巉峒及

南丹州土人號曰插翹見虞衡志

海獼似獼而大如犬脚下有皮似駢拇著水不濡其肉可食又博物志注海獼頭似馬自腰以下似蝙蝠其毛

似獼大者五六十斤可烹食亦海獼類也

豫

曲禮作與

象屬其性進退多疑猶獸亦然故喻人之多疑

惑者曰猶豫

兀兒鼠出甘肅涼州似鼠有鳥名不周兒常與同穴而處尚書云鳥鼠同穴蓋因此為名爾雅釋鳥云其鼠為鷄

香鼠出河南密縣長寸餘香類麝

鼯鼠狀似鼠而大蒼色在樹木上

鼯音覲

鼯那鼠似鼠而馬蹄一歲千斤為物殘賊爾雅注疏云身似鼠有長鬚而賊害於物秦人呼為小驢

臣等謹案鼯鼠鼯鼠俱載爾雅鄭志誤以鼯作鼯音古覓切非是今別出之

鼯魂鼠一名禮鼠一名拱鼠一名鼯狸皮可為裘時煖則出坐穴口見人則交前兩足於頸拱立似揖乃竄入穴淮南子聖人師拱鼠制禮是也

臣等謹案兀兒鼠以下五種鄭志未載今補入

狗之屬有田犬有吠犬有食犬四尺為獒五尺為獬多

毛者庖吠不止者獾檻短脰者狎薄螭切黃白色者獾罽

黃身黑頭者狂注猛曰獬狂曰獾制能逐虎者曰狝尾

短者曰招貂惡而健者曰獾訕

臣等謹案鄭志於獸類終以狗之屬而所列種類

尚未詳備今補載之

狷海中獸名無骨入虎口虎不能噬處虎腹中自內齧之其髓入油中油即沾水水中生火不可救止故曰水

中生火非猾髓而莫能

猾

爾雅作彙
俗作蝟

狀似鼠攢毛外刺似栗房野中時有之人

犯之便藏頭足毛刺人不可得又廣韻云似猾而赤尾者曰暨居

彭侯狀似黑狗無尾可烹食食之辟邪令人志壯按白澤圖云木之精名曰彭侯

玃凡似兔玉篇云兔喙而蛇尾

蜃鼠前而兔後趨則頤走則顛呂氏春秋曰北方有獸

其名曰蜃按此即比肩獸也王者德及幽隱鰥寡得所則至

蜃蜃狀似馬山海經云平丘有素獸曰蜃蜃

距虛似馬而有青色尸子曰距虛不擇地而走

臣等謹案山海經註云蜃蜃即距虛也沈括謂蜃即蜃蜃距虛劉勰亦謂蜃蜃距虛其實一獸而論者又有蜃蜃前足長距虛後足長之分諸說不同

錄以備考

犴本作狢 北方野狗似狐而小陸佃曰黑喙善守

獬

獬

獸出江南武林山狀似獅子蒼黑色常瞑目聳耳

一足攀林杪猿猴逢之輒不能動久則推一猴與食之
又楊慎外集云石獬俗名尖孫食猴者又有石穀似猓
而形短常捕取猿猴蓋亦獬之類也

獬狢一名獬狢似猿狗頭其雄喜與雌狢為牝牡見莊
子註

狢狢出西域噉熏陸香身無毛見集韻

獯蒿貉類色白尾小似狗北人謂之皮狐子亦曰獯子

見通雅

狢獸出暹羅之嶺龍短小精悍目圓睛黃木食似猿獠
山居者恒畜之以備驅使見黃衷海語

蒲牢海畔獸名性畏鯨每食於海畔鯨躍則鳴聲似鐘
今人多鑄其形於鐘上斷橦為鯨形擊之

夔奇獸也狀似牛蒼身一足能走出入水則風雨其音
似雷帝王世紀云黃帝於東海流波山得之

蜚遽天上神獸也鹿頭而龍身上林賦曰櫟蜚遽即此
猛氏狀如熊而小毛淺有光澤出蜀中

射干似狐能緣木子虛賦云騰遠射干

舍利性吐金故曰舍利西京賦曰舍利颯颯化為仙車

獠恙北方之獸狀如獅子善食人吹人則病見神異經

類狀如狸而有髮自為牝牡食者不妬見神異經

竹狔長一尺三寸在土穴中常食竹根味如鴨肉見徐

京南方記

兔似兔青色而大兔頭而鹿足見說文

獬

渠搜

獸名食猛獸見山海經

窮奇出封山狀如牛而蝟尾食人或云窮奇聞人鬪乃助不直者又神異經云窮奇狀如虎有翼

渾沌出崑崙西狀如犬有目不見有耳不聞有腹而無五臟有腸胃而不旋食而徑過人有德行則觶觸之有凶惡則依憑之一名無耳一名無心空居無常咋尾回轉向天而笑見神異經

禱杙狀如虎而大虎毛長尺人面虎足有猪牙尾長一丈八尺食人見神異經

饕餮狀如羊人面其目在腋下虎齒人爪其音似嬰兒亦名狗鵲食人

周匝


宋書作印

神獸也知星宿之變化王者德盛則至見孫

氏瑞應圖

招賢獸出摩伽陀國性善不干人形似獅子若國人見賢良相訪則出現見天中記

草上飛西番獸也形大似犬身似斑貓性純不惡獅豹等獸見之則伏於地此獸不惡而巖見庶物異名疏



欽定續通志卷一百八十